

Wakita ge Zeṅ ya àbèki ye cù ni

Ere ye ti mədəmki ka wakita ge Zeṅ ya àbèki ye cù ni

Maslaṅa ya ti àbèki wakita hini ni ti àdafay slimi gayaṅ a wakita ni bu ndo. Ay mèsèra, bay ya ti àbèki 2 Zeṅ ni ti àbèki 1 Zeṅ ni day naṅ gani : gurumkabu 2 Zeṅ 5, 1 Zeṅ 2.7 akaba Zeṅ 13.34-35.

Àbiki ti ana ndam ga Yezu ya təcakalavu a kèsa nahaṅ bu ni, àhi ana tay tabavu slimi, adaba ndam magosay mis tèbu tāsawaday a kèsa ndahaṅ bu, təcahi zlam magədavani ana ndam ga Yezu. Awayay ti ndam ga Yezu tэгaskabu ndam magosay mis ni ba.

Sa ge Zeṅ

¹ Nèbèki wakita hini ti nu, nu gədfakani ga ndam məfəki ahàr ka Yezu, nəbikioru ana Wal gədfakani * ya Melefit adaba naṅ a ni akaba ana kùli bəza gayaṅ ni ; nawayay kùli dal-dal. Awayay kùli ti nu bəlaṅ ciliṅ do, mis ya ti tèsèra jiri ge Melefit a ni dek tawayay kùli daya. ² Nawayay kùli ti adaba kəgəsumkabá jiri ge Melefit a ; jiri gani nani ti leli məbu àna naṅ kəlavad, adaba Melefit àvi ana leli ti ga kaṅgay-kaṅgayani.

³ Bəṅ geli Melefit nday ata Wur gayaṅ Yezu *Krist atəgri sulum gatay ana leli. Atəjənaki leli, atəgray ti mājəhadumkabu àna sulumani. Nahkay ti aməgrum jiri, amawayumvu e kidiṅ geli bu.

Ahàr àdəm mawayay ndam ya ti leli məbu akaba tay ni

* 1:1 « Wal gədfakani » ni ti awayay adəmvaba ndam ga Yezu ya *təcakalavu a kèsa nahaṅ bu ni ; bəza gayaṅ ni ti ni day nday gani.

⁴ Mmawa goro ni, ka ya ti m̀ici bəza gayak ndahaṅ t̀bu tadəbay divi ge jiri ni ti nəmərva dal-dal. Tagray zlam ti akada ga Bəṅ geli Melefit ya àdəm m̀gray ni. ⁵ Ere ye ti nawayay nəhuk ni ti nahkay hi, mmawa goro ni : ahàr àdəm mawayumvu e kidiṅ geli bu. Ma hini ya nəbukki ni ti ma àki ke divi m̀weni do : ma gani ti m̀cia kwa ahaslana àndava. ⁶ Mawayay Melefit ti ahəmamam ? Tamal mawayay Melefit ti madəbay Divi gayaṅ ya àdəfiki ana leli ni. Divi gayaṅ ya àdəfiki ana leli, lekulum kicam kwa ka mənjàki gani ni ti nihi : àdəm wayumvu e kidiṅ gekuli bu. Divi gani nani ti ahàr àdəm kədəbum kəlavaf.

⁷ Nəhi ana kuli nahkay ti adaba mis dal-dal t̀bu a kəsa gərgərani bu a duniya bu, t̀bu tagosay mis : ḡgay Yezu *Krist àra a duniya va, tiwi naṅ miweni ni ti t̀gəskabu do. Maslaṅa ya ti adəm nahkay ni ti naṅ zal ezir ge Krist, bay magosay mis daya. ⁸ Bumi slimi ana ahàr gekuli, ti t̀wi geli ya ti m̀gri ana kuli ni ègi zlam masakani ba. Bumvu slimi ti k̀ṅgətum ere ye ti Melefit àdəm aməvi ana kuli ni dek.

⁹ Səruma maslaṅa ya ti àmbrəṅa madəbay divi ya ti Krist àdəfiki ana leli na, agray ere ye ti naṅ awayay ni zlam gayaṅ ni ti Melefit naṅ àbi akaba naṅ bi. Ay maslaṅa ya ti agray ere ye ti Krist awayay ni ti Bəṅ geli Melefit nday ata Wur gayaṅ ni t̀bu akaba naṅ. ¹⁰ Tamal mis ara afa gekuli a, àdəfiki ere ye ti Krist awayay ni ana kuli do ni ti k̀gəsumkabu naṅ afa gekuli ba, ku sa day k̀grumi ba. ¹¹ Adaba maslaṅa ya ti àgria sa nahəma àjənakia naṅ ka magudar zlam a.

¹² Ma goro àbu kay nawayay nəhi ana kuli, ay ti nawayay məbiki ma gani ana kuli ka wakita do. Nədəm anoru afa gekuli, nu nuani àna ahàr goro anoru anəzlapi ana kuli, ti m̀mərva dal-dal ka ahar bəlaṅ akaba kuli.

¹³ Mmawa goro ni, wur ga muk walani ya Melefit àdàkiba naḡ a ni bəza gayan təgruka sa daya. †

† 1:13 « Wur ga muk walani » ti awayay adəmvaba ndam ga Yezu ya *təcakalavu a kəsa ya ti Zeḡ naḡ àvu ni bu ni.

Ma Mweni Sulumani ge Melefit New Testament in Muyang

copyright © 2013 Wycliffe Bible Translators, Inc.

Language: Muyang

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Muyang

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

